

TARIKH	01 / 09 / 2016	SEKSYEN	SETEMPAT
MUKA SURAT	28	RUANGAN	

## Antara 1993 & 2015

■ **Bisnes di Tanah Suci dikuasai warga asing perlu jadi iktibar**

**Maklah**

**K**emerdekaan fizikal tidak berguna tanpa disertai kemerdekaan jiwa dan minda yang menjadi cabaran utama untuk dicapai selepas negara mencapai kemerdekaan.

Pembimbing Ibadat Haji Tanah Suci Ustaz Jalal Salim berkata, pemikiran generasi lama dalam usaha mencapai kemerdekaan berbeza dengan anak muda hari ini.

Katanya, generasi hari ini yang dilahirkan dalam kesenangan malas untuk berusaha memajukan diri dalam banyak bidang hingga terpaksa mengimport warga asing untuk bekerja.

Beliau turut memberi contoh ketika pertama kali datang ke Tanah Suci pada 1993 untuk mengerjakan umrah yang mana pada ketika itu



“Di Malaysia kalau dulu kita guna basikal buruk, hari ini pun masih menunggang basikal buruk atau pun sekadar ‘kapcai’ tidak banyak perubahan pada kita”  
Jalal Salim

kebanyakan perniagaan dimiliki penduduk tempatan, bagaimanapun ketika datang pada 2015 banyak kedai dimiliki warga asing.

“Lihat bagaimana mereka membuat anjakan paradigma, makan dengan cara berjimat akhirnya membina tamadun perniagaan di sini.

“Lihat pula bagaimana masyarakat Kemboja yang masuk ke Malaysia dengan keadaan serba kekurangan, tetapi hari ini mereka menjadi tauke besar gedung pakai di Malaysia.

“Di Malaysia kalau dulu kita guna basikal buruk, hari ini pun masih menunggang basikal buruk atau pun sekadar ‘kapcai’ tidak banyak perubahan pada kita,” katanya ketika menyampaikan tazkirah sempena Hari Kebangsaan 2016 di surau petugas, malam kelmarin.

Jalal berkata, umat Islam di Malaysia perlu bertanya pada diri sendiri apakah yang bergerak dalam diri mereka dan kenapa mentaliti kita tidak boleh bergerak.

Beliau turut menyatakan kekesalan terhadap anak muda yang begitu lalai yang mana mereka menikmati kemerdekaan dalam suasana bersenang-lenang.

Menurutnya, beliau bimbang keselesaan yang dikesapi hari ini akan diuji semula oleh Allah dalam bentuk lain.

“Pada malam ambang merdeka ramai yang ke Dataran Merdeka, tetapi yang duduk di situ tidak merdeka, malah ada yang terabit dalam gejala sosial.

“Jadi, jika banyak kes runtuh sosial tidak selesai maka kita perlu kembali kepada ajaran Islam,” katanya.